



# Жанубий

# ҚОЗОҒИСТОН

janubiy.kz

1991 йил 5 апрелдан чиқа бошлаган  
Сешанба, пайшанба ва шанба кунлари чиқади

2020 йил 22 сентябрь, сешанба. №84 (2859).

ҚОЗОҒИСТОН  
ВАКЦИНАСИ –  
ТАДҚИҚОТ ЖАРАЁНИДА

2

СИМ-САЛА БИМ,  
АХАЛАЙ-МАХАЛАЙНИНГ  
“ҚУДРАТИ”

6

СИЗНИНГ  
ФАРЗАНДИГИЗ –  
БИЗНИНГ ҚУВОНЧИМИЗ!

7

## ҚОЗОҒИСТОН ТАШАББУСЛАРИ БМТ ЭЪТИБОРИДА



ҚОЗОҒИСТОН  
ПРЕЗИДЕНТИ  
ҚАСИМ-ЖЎМАРТ  
ТЎҚАЕВ БМТ БОШ  
АССАМБЛЕЯСИНИНГ  
75-СЕССИЯСИДА  
ИШТИРОК ЭТДИ

Кеча 193 давлатни бириктирган Бирлашган Миллатлар Ташкилотига 75 йил тўлиши муносабати билан олий даражадаги кенгаш ўтди. Олий даража ҳафталиги доирасида учта муҳим учрашув ташкил қилинади, 30 сентябрь куни биохилмаҳилликка бағишланган Саммит, 1 октябрь куни – хотин-қизлар ҳуқуқларини ҳимоя қилиш бўйича Пекин декларациясининг 25 йиллигига бағишланган учрашув ва 2 октябрь куни ядровий қуролсизланиш масаласига бағишланган мажлис.

Олий даражадаги кенгашда сўзга чиққан ҚР Президенти Қасим-Жўмарт Тўқаев БМТ бундан кейин ҳам халқаро муносабатларда ҳал қилувчи ўрин тутиши билан бир қаторда босқичма-босқич ислоҳ этилиши жоизлигини таъкидлади.

Қозоғистоннинг БМТ Хавфсизлик кенгашига раислик қилган даврда Бирлашган Миллатлар Ташкилоти Бош Ассамблеясининг Марказий Осиё давлат-

ларининг хавфсизликни таъминлаш ва минтақавий ҳамкорликни мустаҳкамлаш борасидаги саъй-ҳаракатларини қўллаб-қувватлашга доир махсус резолюцияси қабул қилинганини таъкидлади.

Юбилей сессиясида иштирок этган Қозоғистон Президенти ўз нутқларида долзарб халқаро муаммоларни ҳал қилишда жаҳон ҳамжамиятининг ҳаракатларини мувофиқлаштириш, хусусан,

коронавирусга қарши кураш, глобал иқтисодий ўсишни тиклаш, терроризмга қарши кураш, ядровий қуролни тарқатмаслик ва қуролсизланиш, иқлим ўзгариши масалаларига тўхтади.

Давлат раҳбари БМТга тегишли танқидий фикрлар айтилишига қарамай, у жаҳон сиёсатида ҳал этадиган ролни бажарадиган муқобили йўқ ҳаммабоп ташкилот эканлигига тўхталиб, 2030 йилгача кун тартибидеги барқарор тараққиёт масалаларининг амалга оширилиши, халқаро сиёсатдаги БМТнинг ролни кучайтириш, Марказий Осиёдаги минтақавий ҳамкорлик соҳалари бўйича амалга оширилиши лозим масалаларни таъкидлаб, қатор халқаро ташаббусларни тилга олди.

### ҚОЗОҒИСТОН АҲОЛИСИ 1,3 ФОИЗГА ЎСДИ

Қозоғистонда шаҳар аҳолиси 60 фоизга яқинлашди. 2020 йил 1 август маълумотларига кўра, мамлакат аҳолиси 18 млн. 767,5 минг кишини, шу жумладан, шаҳарликлар – 11 млн. 049,0 минг киши (58,9 фоиз), қишлоқ аҳолиси – 7 млн. 718,5 минг киши (41,1 фоиз)ни ташкил этди. 2019 йил 1 августи билан таққослаганда мамлакат аҳолиси 238,6 минг кишига ёки 1,3 фоизга ўсди.

Ушбу даврда энг юқори умумий ўсиш мамлакатнинг учта ҳудудида: Алматы (64,2 минг киши), Нур-Султан (52,0 минг киши) ва Шимкент (30,6 минг киши) шаҳарларда кузатилди.

ҚозАхборот.

### СОҲАНИНГ ЭКСПОРТ САЛОҲИЯТИ РАВНАҚ ТОПМОҚДА

ҚОЗОҒИСТОН БИРЛАШГАН АРАБ  
АМИРЛИКЛАРИГА АККУМУЛЯТОР  
ЭКСПОРТ ҚИЛИШНИ БОШЛАДИ

Маҳаллий аккумуляторлар янги экспорт бозорига чиқарилди. Бу ҳақда Хукумат мажлисида Қозоғистон Индустрия ва инфратузилмаларни ривожлантириш вазири Бейбит Атамқулов маълум қилди.

– Электротехника соҳасида сезиларли ўзгаришлар юз бермоқда. Жорий йилда маҳаллий аккумуляторлар янги экспорт бозорига – Бирлашган Араб Амирликларига кириб борди. Ички талаб ишлаб чиқарилган аккумуляторларнинг – 65 фоизни ташкил этади, – деди вазир. – Мамлакатимизда трансформаторларга талабнинг 85 фоизи қопланмоқда. Петропавлда 5-трансформатор заводи ишга туширилгач, биз йилига яна 10 мингта трансформатор ишлаб чиқарамиз. Бу трансформаторларга бўлган талабларни тўлиқ қоплайди, – деди Бейбит Атамқулов.

Хабар-24.



### • Хушхабар

## ЎЗБЕКИСТОН ЧЕГАРАЛАРНИ ОЧАДИ

1 октябрдан бошлаб Ўзбекистон ҳаво, темир йўл ва автомобиль назорат пунктлари орқали кириш ва чиқишга кўйилган чекловларни бекор қилади.

Республика махсус комиссияси қарорига биноан хорижий давлатлардан авиа, темир йўл ва автотранспорт воситаси орқали Ўзбекистонга келувчи шахсларни қабул қилишнинг янги тартиби жорий этилади. Жумладан, сўнгги 14 кун давомида «яшил» давлат (Хитой, Таиланд, Малайзия, Жанубий Корея, Грузия, Венгрия, Финландия, Латвия, Австрия ва Япония)даги шахслар – Ўзбекистон ҳудудига тўғридан тўғри кирилади. «Сариқ» (Озарбайжон, Беларусь, БАА ва Европа Иттифоқи давлатлари (Буюк Британия ва Испания бундан мустасно) ҳамда «қизил» давлатлардан (қолган барча давлатлар) кириб келаётган шахслар – сўнгги 72 соат давомидаги коронавирუსга ПЗР тести манфий

натижалари тўғрисида маълумотнома тақдим этган ҳолда Ўзбекистон ҳудудига киритилади.

1 октябрдан бошлаб, Қозоғистон, Туркменистон, Тожикистон ва Афғонистон билан чегарада жойлашган автойўл ўтказиш пунктлари орқали Ўзбекистонга кираётган шахслар коронавирუსга ПЗР ёки экспресс-тест ёхуд антиген текширувдан ўтган ҳолда 14 кунга меҳмонхона ёки уй карантинига юборилади. Агар шахс сўнгги 72 соат мобайнида коронавирუსга тест топширмаган бўлса ёки унда коронавирუს инфекциясининг аломатлари (йўтал, иситма ва б.қ.) сезилса, Ўзбекистонга келганидан сўнг ўтказиш пункти (аэропорт, вокзал ёки бошқа) ҳудудида ўз ҳисобидан коронавирუსга ПЗР ёки экспресс-тест ёхуд антиген текширувдан ўтади ҳамда Ўзбекистон ҳудудига киритилиб, 14 кунга меҳмонхонага ёки уй карантинига юборилади.

ҚозАхборот.

Жорий йил баҳоридаги тошқин пайтида Қасқасу қишлоқ округидаги Юқори Қасқасу аҳоли манзилидаги «Аралық», «Кемерлік», «Сырғанақты» және «Сырғанақты-1» кўчаларини бир-бири билан боғловчи кўприкни сув оқизиб кетган эди. Фавқулодда вазиятдан сўнг туман ҳокими қошида тузилган комиссия дарҳол ишга киришиб, қурилиш ишлари бошланиб кетди. Куни кеча кўприк қурилиши якунланиб, фойдаланишга топширилди.

## КўПРИК ҚУРГАН – КўП ЯШАР

Унинг очилиш маросимида туман ҳокими Б. Ўмарбеков иштирок этиб, қишлоқ аҳлини шодийна билан қутлади.

Тадбирда сўзга чиққан қишлоқ оқсоқоли Т. Бектаев аҳолининг баҳордан бери кўшни қишлоқларга бир неча чақирим масофадаги йўлдан айланиб ўта бошлагани, эндиликда аҳоли учун ҳам, автомобиллар ҳаракати учун ҳам қулай кўприк қурилганини айтиб, туман ва вилоят раҳбарларига миннатдорчилик билдирди.

Туманда йил сўнгигача яна 3та кўприк

таъмирланиб, фойдаланишга берилади. Чунончи, бугунги кунда 13та кўприк тубдан таъмирдан ўтса, 5таси ўртача таъмирланмоқда.

Кўприк қурган – кўп яшар... Туман кўприксозлари кўркам, замонавий, мустаҳкам иншоотлари билан ўз номларини мангуликка муҳрламоқдалар. Зеро, бунёдкорлик – буюклик, эл аро суюклик, мангуликдир.

“Жанубий Қозоғистон” муҳбири.

## ҚОЗОҒИСТОН ВАКЦИНАСИ – ТАДҚИҚОТ ЖАРАЁНИДА

ҚР Таълим ва фан қўмитасининг Биологик хавфсизлик муаммолари илмий-текшириш институтида тайёрланган коронавирус инфекциясига қарши QazCovid-in вакцинасининг клиник тадқиқоти бошланди.

Хужжатлар қунт билан текшириб чиқилгач, Қозоғистон Республикаси Соғлиқни сақлаш вазирлиги QazCovid-inR Қозоғистон вакцинасини клиник тадқиқотнинг I/II фазасини юритишга рухсат берди.

– Биринчи ва иккинчи босқич доирасида кўнгиллилар эмланади. Бутунжаҳон соғлиқни сақлаш ташкилоти эмлашга рухсат берди. Клиник тадқиқотга фақат 244 кўнгилли керак бўлди. Зеро, Биологик хавфсизлик муаммолари илмий-текшириш институтига (БХМИТИ) Қозоғистоннинг барча минтақасидан клиник текширувларда иштирок этишга розилик билдирган кўнгиллилардан ўн кун ичида тушган аризалар сони анча кўп бўлди. Ватандошларимизнинг фан соҳасига кўрсатган қўллови ва ишончи учун миннатдорчилик билдирамиз, – деди ҚР Таълим ва фан вазири ўринбосари Мирас Дауленов.

Вакцинанинг клиник текшируви 18-50 ёш ораллигидаги соғлом кўнгиллилар орасида олиб борилади. Унинг хавфсизлигини аниқлашга йўналтирилган текширишнинг I фазасида коронавирус билан оғриманган ҳамда антиабзолари йўқ 44 кўнгилли иштирок этади.

Иммуногенлиги текширишга йўналтирилган иккинчи босқичда 200 нафар кўнгиллининг иштироки режалаштирилган.

Институтга Қозоғистоннинг барча минтақаларидан клиник текширувда иштирок этишга истак билдирган 688 кўнгиллидан ариза тушганини айтиш жоиз. Энди улар скринингдан ўтгач, эмланадиган кўнгиллилар гуруҳи курилади.

ҚР ТФВ матубот хизмати.

### • Брифинг

Пандемиянинг иқтисодиётимизнинг қатор асосий соҳаларининг ривожланишига тўсиқ бўлаётгани аниқ. Шу боис иқтисодиётни барқарорлаштириш, тадбиркорликни, мамлакат маҳсулот ишлаб чиқарувчиларини қўллаш мақсадида Ҳукумат томонидан инқирозга қарши чоралар қабул қилинди. Шу билан бирга 2020 йилнинг охиригача иқтисодий ўсишни шакллантириш юзасидан мажмуавий лойиҳа тасдиқланди. Буни вилоят тадбиркорлик ва савдо бошқармасининг раҳбари Н. Иманқулов маълум қилди.

## Қўллов – тадбиркорликка, тадбиркорлик – тараққиётга

Унинг айтишича, тадбиркорликни қўллаш орқали иқтисодиётни барқарорлаштириш тадбирлари уч йўналишда юритилмоқда. Жумладан, имтиёзли молиялаштириш солиқ имтиёзлари, “Оддий буюмлар иқтисодиёти” дастури бўйича молиялаштириш ҳажми республика миқёсида 1 трлн. тенгегача оширилди. Бугунги кунда Туркистон вилояти дастурни амалга ошириш бўйича республикада пешқадамлик қилмоқда.

– Дастур доирасида 50 млрд. тенгени ташкил этадиган 446та салоҳиятли лойиҳа бор. Жумладан, 27,8 млрд. тенгени ташкил этадиган 274та лойиҳа институтлар томонидан маъқулланиб, молиялаштирилмоқда, – деди бошқарма раҳбари.

Бугунги кунда минтақада дастурнинг

бюджети икки ҳисса ортиб, 4,8 млрд. тенгени ташкил этди. Молия доирасида 500дан зиёд корхонага қўллов кўрсатилди. Бундан ташқари хўжаликлар “Меҳнат” дастури, “Оңтўстик” минтақавий сармоя маркази ҳамда “Ырыс” микромолия ташкилоти молия институтлари, Агросаноат мажмуасини ривожлантириш дастурлари орқали бизнесни қўллаш мақсадида 80 млрд. тенгегача яқин маблағ кўзланган.

Йил охиригача 50 мингга яқин мамлакат товар ишлаб чиқарувчилари ва деҳқон хўжалиқларига молиявий ёрдам берилади.

Туркистон вилоят минтақавий коммуникациялар хизмати.

## МАВСУМГА ТАЙЁРГАРЛИК

Кентов шаҳрида кузқиш мавсумига тайёргарлик ишлари жадал тус олган. Ҳозирча режанинг 60 фоизи бажарилган, 20 октябргача тўлиқ якулланади. Ушбу тадбирларни амалга ошириш учун вилоят бюджетидан тегишли маблағ ажратилди.

Куни кеча Туркистон вилояти табиий монополиялар департаментининг вакили ҳамда ҚР Энергетика вазирлиги, энергетикавий текшириш ва назорат қўмитасининг Туркистон вилояти бўйича минтақавий департаменти вакиллари Кентов шаҳрининг иситиш тизимидаги ишлар билан танишди.



Ишчи гуруҳ “Кентау сервис” муассасасининг амалга ошираётган ишларига ижобий баҳо берди.

Жорий йил кентовликлар қишдан қийналмай чиқишини айтган минтақавий департамент раҳбари Бекжан Алимқулов мавсумга тайёргарлик масалалари раҳбарларнинг бевосита диққат-марказида эканлигини таъкидлади.

Жорий йилги мавсумда “Кентау сервис” муассасаси 14534 абонентни иссиқлик билан таъминлашни режалашмоқда. Бугунги кунда муассасада 62 тонна суюқ ўтин тайёрланган бўлса, 27 минг тонна қаттиқ ўтин шартнома асосида Экибастуздан Кентов шаҳрига юборилган.

Вилоят ҳокимининг матбуот хизмати.

## САЛОҲИЯТЛИ ЁШЛАР ТАНЛОВДА ҚАТНАШДИ



Саттар Ерубает номидаги ижодкор ёшлар танлови ниҳоясига етиб, ғолиблар аниқланди.

Туркистон шаҳрида икки кун давом этган вилоят танловида иқтидорли ёшлар ўзаро беллашиб, 8та номинация бўйича омадини синаб кўришди.

Иштирокчиларга ҳам офлайн, ҳам онлайн турда қатнашиш имкони яратилди.

Ёшлар имконият маркази ташкилотчилигида ўтган танловда Nur Otan партияси вилоят филиалининг биринчи котиби Б. Тажибаев қатнашиб, ижодкор ёшларга омад тилади.

Маълумки, Саттар Ерубает истеъдодли қозоқ ёзувчиси бўлиб, атиги 23 йил умр кўрса-да, ажойиб ижод маҳсулларини мерос қолдириб кетган. Унинг хотирасига бағишланган танловда қатнашган йигит-қизлар ҳам ёш бўлишсада, ижод бобида бошқаларга ўрнак бўлишга арзийди.

Танлов поёнида ғолибларга Ташаккурномалар ва совғалар топширилди.

Вилоят ҳокимининг матбуот хизмати.

## СОЛИҚ ТўЛАШ МУДДАТИ ОХИРЛАМОҚДА

Қозоғистонликлар сентябрь ойининг охиригача ер ва мулк солиғини тўлашлари шарт. “Солиқ ҳамёни” хизматида солиқ тўловчилар ҳисобланган қийматлар тўғрисида ахборотни кўра олади.

Шунингдек, фуқаролар тўловларни иккинчи даражали банклар, “Қазпочта” ҲЖ тўлов карточкалари орқали аввалдан тўлдирилган маълумотлардан фойдаланиб, тўлашлари мумкин. E-Salyq қўшимчасини Play Market ёки App Store тармоғидан юклаб олиш мумкин.

“Жанубий Қозоғистон” мухбири.

## ҚАЖИМУҚАН МУНАЙТПАСОВ НОМИДАГИ СПОРТ МАЖМУАСИ ҚУРИЛАДИ

Ўрдабоши туманида Қ. Мунайтпасовнинг 150 йиллиги муносабати билан ёдгорлик мажмуаси барпо этилади. Замонавий қиёфа касб этадиган иншоотнинг қурилиши жорий йилнинг ноябрь ойида бошланиб, 2021 йилнинг октябрь ойида тугалланади.

“Ғарбий Европа – Ғарбий Хитой” халқаро йўли бўйида қад ростлайдиган ёдгорлик мажмуасининг майдони 5 гектарни ташкил қилади. Бу ерда кутубхона, кўрғазмалар зали, меҳмонхона, ошхона, мажлислар зали, спорт зали, спортчиларнинг кийиниш ва ювиниш хоналари бўлади.

Иншоотнинг атрофи кўкаламзорлаштирилиб, ўриндиқлар ва тунги чироқлар ўрнатилди. Шунингдек, лойиҳада болалар майдончаси ва автотураргоҳлар ҳам кўзда тутилган. Шунини алоҳида таъкидлаш жоизки, спортнинг бир неча тури билан шуғулланишга мослаштирилган иншоотда йирик мусобақалар ҳам ўтказиш мумкин.

Вилоят ҳокимининг матбуот хизмати.

Давлат раҳбари Қасим-Жўмарт Тўқаевнинг жорий йилги Мақтубида тадбиркорлик шўъбасини қўллаб-қувватлашга қаратилган қатор вазифалар белгиланган. Президент солиқ имтиёзлари, насиялар бўйича тўлов муддатини чўзиш, текширувларга тўсиқ қўйиш масалалари билан бир қаторда, кенг қамровли ва сифатли иш билан таъминлаш, кичик ва ўрта бизнесни насиялаш зарурлигини алоҳида таъкидлади.

“Қишлоқ хўжалигини молиявий қўллаб-қувватлаш жамғармаси” (“ҚазАгрохолдинг”нинг кўмакчи компанияси) йилнинг муҳим ҳужжатида белгиланган вазифаларни ҳаётга татбиқ этиш мақсадида “Меҳнат” натижали бандликни таъминлаш

## ДЕҲҚОНЛАР ҒАМХЎРЛИК ОҒУШИДА

ҳамда оммавий тадбиркорликни ривожлантириш дастури доирасида тадбиркорларга имтиёзли кичик насиялар бериш учун 36 миллиард тенге маблағ йўналтиришни режалаштирмоқда.

Ушбу дастур доирасида Жамғарма сўнгги беш йилда умумий қиймати 160 млрд. тенгегача 53 мингдан зиёд фуқаро иш билан таъминланди. Жамғарма ўзининг насия маҳсулотлари орқали қишлоқ меҳнатқашлари ва қишлоқ хўжалиги товар ишлаб чиқарувчи-

ларининг лойиҳаларини турли мақсадли йўналишлар бўйича молиялаштириб келмоқда.

Улар орасида чорвачилик, деҳқончилик, қишлоқ тадбиркорлигини ривожлантириш ҳамда қишлоқ хўжалиги маҳсулотларини қайта ишлаш ва сақлаш лойиҳалари бор.

Натижали иш билан таъминлаш дастури доирасида турли мақсаддаги насиянинг йиллик устама миқдори 6 фоизни ташкил қилади.

“Жанубий Қозоғистон” мухбири.

## МЕДАЛЛАР БИЛАН ТАҚДИРЛАНИШДИ

Элбоши Нурсултан Абишули ташаббуси билан тузилган Қозғоғистон халқи Ассамблеяси 25 йиллигини нишонляпти. Шу боис Шимкент шаҳар Қозғоғистон халқи Ассамблеяси раисининг ўринбосари, Шимкент шаҳар ҳокимининг биринчи ўринбосари Шинғис Муқан қатор фуқароларни «Қозғоғистон халқи Ассамблеясига 25 йил» байрам медаллари билан тақдирлади.

**Шалатай Мирзахметов** – Шимкент шаҳар Қозғоғистон халқи Ассамблеяси Жамоат тотувлиги кенгаши аъзоси;

**Рисбай Исамудин** – Шимкент шаҳар фуқаролар кенгашининг раиси, Шимкент шаҳар Қозғоғистон халқи Ассамблеяси Жамоат тотувлиги кенгашининг аъзоси;

**Дўсибай Шеримқулов** – Шимкент шаҳар фахрийлар кенгашининг раиси, Шимкент шаҳар Қозғоғистон халқи Ассамблеяси Жамоат тотувлиги кенгашининг аъзоси;

**Муратали Қалмуратов** – Nur Otan партияси шаҳар филиали раисининг ўринбосари;

**Мадийр Юнусов** – Халқаро Silkway университетининг президенти;

**Балхия Кўмекбаева** – Қозғоғистон халқи Ассамблеяси қошидаги Оналар кенгашининг раисаси;

**Жумағали Билисбеков** – “Шимкент шаҳар Фуқаролик Альянси” Ҳамжиҳатлик ЗТБ президенти;

**Айғаним Кумисбек** – “Nag TV” телеканали директорининг ўринбосари;

**Улбике Сарибасова** – “Айғақ” телеканали редактори;

**Шуддин Саидов** – “Отрар” телеканали муҳбири;

**Нурбек Байбўсинов** – “Хабар-24” телеканали муҳбири;

**Талғат Балтабаев** – “Уақыт” газетасининг бош муҳаррири;

**Любовь Доброта** – “Казахстанская правда” газетаси муҳбири;

**Бахтияр Тайжан** – “Шимкент ақпарат” МЧБ директори;

**Уали Қидир** – “Оңтүстік” телеканали директори;

**Нурғазии Бухарбай** – Шимкент шаҳар Жамоатчилик кенгаши раиси;

**Рашид Минбаев** – Шаҳар ҳокими девони раҳбарининг ўринбосари;

**Айгуль Сарсеева** – Шаҳар ҳокими девони раҳбарининг ўринбосари;

**Балмаржан Нарбекова** – Таълим бошқармаси раҳбарининг ўринбосари;

**Лайла Зайнутдинова** – Тадбиркорлик ва индустриал-инновационий тараққиёт бошқармасининг бош мутахассиси;

**Даурен Шинтасов** – Шимкент шаҳар ҳокими девонининг бош йўриқчиси;

**Айгул Амзеева** – Шаҳар ички сиёсат ва ёшлар ишлари бўйича бошқармасининг бош мутахассиси.

**Ербўл Байқўнақов** – Шаҳар ички сиёсат ва ёшлар ишлари бошқармасининг «Жамоат тотувлиги» ДКК раҳбари.

Айтиш жоизки, бугунги кунда шаҳардаги 1 млн. 38 мингдан зиёд аҳолининг 67,4 фоизини қозоқлар, 17,6 фоизини ўзбеклар, 8,9 фоизини руслар ва 6, 1 фоизини бошқа этнос вакиллари ташкил этади. Мегалполис миллий анъана, урф-одатлар чашмаси саналиб келинган. Дўстлик маркази бўлган шаҳримизда 17та этномаданият бирлашмаси фаолият юритади.

Шимкент ахборот-коммуникация маркази.

## ЮРТ ИШИГА КАМАРБАСТАЛАРГА ЭҲТИРОМ

«Қозғоғистон халқи Ассамблеясига 25 йил» юбилей медаллари билан Қозғоғистон ўзбеклари «Дўстлик» ҳамжамияти раиси Икромжон Ҳошимжонов, Шимкент шаҳар ўзбек этномаданият бирлашмаси раиси Тоҳир Ҳакимбеков, 107-сонли мактаб-гимназия директори Баҳодир Нуралиев, «Дўстлик» ҳамжамияти қошидаги оналар мактаби раисаси Фароғат Ҳожиматова, ҳамжамият фаолларидан Бегмат Турдиқулов, Тоҳир Нишонбоев, Гулнора Қосимова, Нурхон Дўсматова, Маҳфуза Мусоева, шаҳар ўзбек драма театрининг актёрлари Жавлон Саидов, Улғубек Носиров ва кўплаб бошқалар тақдирланди.

Миллатимизнинг элим, юртим деб ёниб яшаётган фарзандларини мукофотлари билан кутлаб, ишларида зафарлар тилаймиз.

“Жанубий Қозғоғистон” муҳбири.

## ПОЛИЦИЯ ФАОЛИЯТИ РАҚАМЛАРДА



Туркистон шаҳар полиция бошқармасининг раҳбари Бауржан Селтанов бошқарманиннг жорий йил 8 ойида бажарган ишлари юзасидан ҳисобот берди.

Ҳисобот чоғида жиноий ҳуқуқбузарликнинг даражаси ўтган йилнинг мазкур даври билан таққослаганда 918дан 683га ёки 25,6 фоиз камайганини таъкидлади. Жумладан, криминал полицияга доир йўналишдаги жиноий ҳуқуқбузарликнинг даражаси ўтган йилнинг 8 ойида 843 ҳолатидан

жорий йил 620га, 26, 4 фоизга камайган.

Раҳбарнинг маърузасида таъкидланган кўрсаткичлар муҳокама қилиниб, Рашид Абатули маҳаллий полиция ходимларига жиноятнинг олдини олиш мақсадида бажарилиши жоиз профилактика тадбирларига алоҳида эътибор қаратиш зарурлигини таъкидлади.

Туркистон шаҳар ҳокимлиги.

## 36 МИНГ КОМПЬЮТЕР ЎҚУВЧИЛАРГА ТАРҚАТИЛДИ

Масофадан таълим олаётган шимкентлик 222 050 ўқувчидан 80 780 нафарига, яъни 36, 3 фоизига компьютер етишмаслиги туфайли онлайн дарсларда иштирок эта олмаяпти. 80 780 ўқувчи, яъни уларнинг 37 873 нафари компьютерга, 42 907 нафари эса ижтимоий кўмакка муҳтож.

Ижтимоий ёрдамга муҳтож 20150 оиладаги 35 798 нафар ўқувчиларга компьютерлар вақтинча фойдаланиш учун тақдим этилди. Қолган 44 982 нафар бола 36 355та давлат жамғармаси ва маҳаллий бюджет томонидан компьютерлар билан таъминланади. Харид қилинган компьютерлар муҳтож ўқувчиларга вақтинча фойдаланиш учун тақдим этилади.



## МАСОФАДАН ТАЪЛИМ

Пандемия бутун дунёда таълим соҳасига сезиларли таъсир кўрсатди.

Бугунги кунда таълим муассасалари, талабалар ҳамда муал-

лимлар масофавий таълим олишга киришиб кетишди.

Айни кунларда Шимкент шаҳри мактабларининг 1-4 синф ўқувчилари ихчамлаштирилган карантин

талабига қатъий риоя қилган ҳолда, таълим олишмоқда. 49640 нафар ўқувчи учун 3344та навбатчи синфлар фаолият юритяпти.

Шимкент шаҳар ҳокимининг матбуот хизмати.

## САМАРАЛИ ҲАМКОРЛИК

Шимкент шаҳри туманларида туман судининг судьялари ва қишлоқ бийлари, медиаторлар билан учрашувлар ташкил этиш анъанага айланган.

Мақсад – медиаторларнинг ишини жонлантириш, малакасини ошириш. Енбекши туман судининг судьяси Еркин Ўтарбаев Қазигурт ҳудуди бўйича қишлоқ бийлари ва медиаторлари билан учрашиб, фикр алмашишди.

Йиғилишда оилавий можароларни судгача ҳал этиш, шунингдек, никоҳ бузилиши ҳолатларига йўл бермаслик борасида ҳамкорликда иш олиб бориш масалалари ҳам муҳокама қилинди.

Туман судининг судьяси қишлоқ бийлари ва медиаторларнинг ишини жонлантириш, медиация қонуни борасида ўз фикрларини ўртага ташлади. Тадбирда Енбекши тумани ҳокимининг матбуот хизмати раҳбари Ерлан Кузенаев семинар-тренинг ўтказди. Унда бир гуруҳ медиаторлар қатнашиб, билим-малакасини орттирди.

## “МАЛАХИТ” ДАСТУРИ ИШГА ТУШИРИЛДИ

Шимкент шаҳрида болаларни жамиятга мослаштириш, билим олишда ҳеч бир тўсиқ бўлмадлиги каби тизимли тадбирлар қабулланган.

Бу ҳақда Шимкент шаҳри ҳокими Мурат Айтенов маълум қилди.

– Бу йил ногирон болаларнинг бемалол билим олишини таъминлаш мақсадида “МАЛАХИТ” махсус таълим ташкилотларининг хизматлари” дастури ишга туширилди. Унда махсус таълим ташкилотлари кўрсатадиган хизматларни тўсиқсиз олиш имконияти яратилган, – деди Мурат Дуйсенбекули.

Шу билан бирга, у техникавий ва касбий таълим

тизимини йўлга қўйиш, халқ хўжалигида юқори талабга эга мутахассисларнинг рўйхатини шакллантириб, уларнинг иқтисодий ёрдам кўрсатишлари куч сифатидаги ролини ошириш мақсадида амалга оширилган тадбирларни маълум қилди. Шаҳар ҳокимининг айтишича, шу йўналишда “College Smart Nation” портали жорий этилган.

Ушбу порталда талабаларни ўқишга қабуллаш, зарур маълумотларни электрон тармоқ орқали олиш ва бепул овқат билан таъминлаш масалалари ҳам кўзда тутилган.

Шимкент шаҳар ҳокимининг матбуот хизмати.









